

NORMAS XERAIS

1. Normativa Xeral de Competicións Oficiais

A autorización final para poder celebrar unha competición correspóndelles ás autoridades competentes en cada territorio, así como establecer o número de participantes máximo en cada competición. Para iso deberanse considerar todas as medidas de obrigado cumprimento establecidas en cada momento.

A realización das diferentes competicións do calendario da FGA dependerá da autorización da Comisión COVID-19, o CGX e a Dirección Técnica da FGA.

1.1. Categorías da tempada 2021

Duración da tempada 2021: desde o 1 de xaneiro ata o 31 de decembro 2021

SENIOR	Nacidos/as desde 1998 ata Máster
SUB23	Nacidos/as en 1999, 2000 e 2001
SUB20	Nacidos/as en 2002 e 2003
SUB18	Nacidos/as en 2004 e 2005
SUB16	Nacidos/as en 2006 e 2007
SUB14	Nacidos/as en 2008 e 2009
SUB 12	Nacidos/as en 2010 e 2011
SUB 10	Nacidos/as en 2012 e 2013
SUB 8	Nacidos/as en 2014 e 2015
MASTER	Desde o día que cumbran 35 anos en tramos de 5 anos segundo idade o día da proba (o primeiro día de competición en Campionatos de varios días) M/F35 (35 a 39 anos) M/F40 (40 a 44 anos) e así sucesivamente.

Dende o 1 de novembro ata o 31 de decembro poderán organizarse probas aplicando as categorías do 2022.

1.2. Normas de participación

a). Para poder participar en calquera competición oficial de atletismo será condición indispensable estar en posesión da licenza federativa regulamentaria correspondente e sempre que non exista ningunha sanción sobre o titular da mesma na data tope fixada para a inscrición.

b). Todos os participantes en calquera competición oficial deberán presentarse portando a camiseta e o pantalón do seu Club ou Federación, segundo o tipo de competición ou campionato. Os atletas independentes deberán levar unha camiseta e pantalón brancos (ou de color lisa) na que se autoriza a aparición do fabricante de

material deportivo ata un máximo de 50cm² de área. Esta equipación en ningún caso poderá ser a de ningún Club.

c). O xuíz árbitro poderá impedir a participación daqueles atletas indebidamente equipados. Por exemplo, aqueles atletas que vistan a equipación do equipo nacional ou selección galega, xa que estas deberán utilizarse unicamente en encontros internacionais con representatividade española ou ben naqueles nos que interveña a selección galega; tamén a aqueles que non vistan a equipación oficial do seu club ou ben se impedirá a participación a aqueles aos que o xuíz árbitro considere que non visten co necesario decoro ou que non cumpran a normativa da WA ou a RFEA sobre publicidade. Se por calquera circunstancia un atleta compite sen a equipación do seu club ou Federación, segundo o tipo de competición ou Campionato, en calquera competición do Calendario Nacional, será descalificado.

d). Os atletas que compitan con zapatillas de cravos, quedan obrigados a que os mesmos non sobrepasen as medidas recollidas no regulamento da WA.

e). Todos os atletas participantes quedan obrigados a levar os dorsais na forma que lles indique a organización, descalificándose aqueles que non o leven na forma determinada.

f). En todos os Campionatos de Galicia Individuais e por clubs será obrigatoria a identificación dos atletas na Cámara de Chamadas. Os xuíces encargados de Cámaras de Chamadas comprobarán a identidade dos atletas que se presentan á Competición mediante o Carné RFEA/FGA (con foto), DNI, Tarxeta de Residente estranxeiro, Carné de conducir ou Pasaporte. En ausencia dos anteriores documentos será aceptable consultar a identificación a través da Web da RFEA, mediante Tablet, teléfono móbil, etc sempre e cando nesta consulta apareza a foto do atleta en cuestión. Todo atleta que, estando programada Cámara de Chamadas non pase por ela, non estará autorizado a participar na competición, salvo que no regulamento particular de cada competición indique o contrario.

g). Durante o transcurso do Campionato ou competición, un atleta pode ser excluído de participar en unha ou varias probas, no caso de que clasificándose nas eliminatorias ou series, non participe na seguinte ou ben, tendo confirmada a súa inscrición non participe sen dar unha razón válida.

h). Nas competicións autonómicas de clubs a participación de atletas estranxeiros está recollida no Artigo 3 das Normas Xerais de Clubs da RFEA, e virá reflexado en cada regulamento particular.

1.3. Normas de competición

Para que unha competición sexa recoñecida como oficial pola Federación Galega de Atletismo e os seus resultados sexan homologados, cómpre:

a). Que figure no Calendario da FGA da presente tempada.

b). Que se teña recibido, cunha antelación mínima de 10 días á súa celebración, na sede da Federación Galega de Atletismo o Regulamento da competición, para que poida ser aprobado, agás autorización expresa do Comité Técnico da FGA por motivos xustificadas. Posteriormente a Federación Galega informará ao resto das

súas delegacións as cuestións técnicas da mesma (horarios, categorías, probas, mínimas, etc). Asemade, a proposta do Comité Técnico poderá programarse unha proba con carácter excepcional en calquera competición.

c). Que o Xurado estea composto por membros do Comité Nacional ou Galego de Xuíces.

d). Que como mínimo estean programadas e se compita en tres probas, con tres atletas como mínimo en cada unha delas, agás os relevos que poderán participar dous equipos; competicións de máster (2 ou 1 atleta unicamente). Quedan exentos desta normativa todos os Campionatos de Galicia, nos que se aceptarán como válidas todas as marcas, independentemente do número de participantes.

e). Que as idades e probas a disputar se axusten ao articulado por cada categoría.

f). Varios

- Todo o non previsto nestas Normas Xerais e nos oportunos Regulamentos-Convocatorias axustarase ao establecido no Regulamento da RFEA ou ben nas normativas de Internacional da WA na súa versión española.
- Nos Campionatos de Galicia só poderán subir ao podio os atletas e equipos premiados, non podendo facelo outras persoas, así mesmo non se poderá portar bandeiras, pancartas, etc, e levarase a uniformidade do club.
- O incumprimento destas normas poderá ser motivo de descualificación.

g). Probas autorizadas

- Pista Cuberta: Ver Normas Xerais de Pista Cuberta
- Pista ao Aire Libre: Ver Normas Xerais ao Aire Libre
- Distancias de campo a través: ver na Normativa de Campo a través

1.4. Normativa de Competición para Probas Mixtas en Pista

Serán válidas para mínimas dos Campionatos de Galicia de todas as categorías e Campionatos de España.

Para as competicións desenvoltas no Estadio, as probas mixtas en Concursos ou en Carreiras, poderán ser permitidas nas Competicións se reúnen os seguintes requisitos:

- a.) Que fosen aprobadas pola Federación Autonómica correspondente.
- b.) Que non haxa máis de cinco atletas de polo menos un dos dous xéneros para carreiras de distancia inferior a 1.500m, e máis de seis atletas en carreiras de 1.500m. ou de superior distancia.
- c.) En Lanzamentos e Saltos Horizontais serán os xuíces os que decidan a orde de actuación, coa finalidade de facilitar as medicións e o control dos artefactos.
- d.) No caso de Saltos Verticais, os Artigos 181 a 183 deben ser aplicados estritamente – incluíndo que o listón debe ser elevado de acordo cunha única cadencia, acordada para toda a competición.
- e.) Resultados Competicións Mixtas
 - Para Concursos utilizaranse follas de resultados separadas e os resultados proclamaranse separadamente para cada xénero.

- Para Carreiras, o xénero de cada atleta indicárase nos resultados.
- f.) De acordo co estipulado no artigo 147.2 Nota (iii) da WA: “Las Competiciones Mixtas en Carreras en pista no se realizarán, en ningún caso, para permitir que a los atletas de un sexo se les marque el paso o sean ayudados por los atletas del otro sexo”. A intención do Artigo non é dar as mulleres a oportunidade de competir en carreiras contra homes para obter potencialmente mellores condicións de rendemento. Se se observase por parte dos xuíces que a dita circunstancia se produce nunha carreira, deberán descualificar os atletas implicados.
- g.) Agás na proba de Relevos Mixtos en ningunha outra serán válidos os Récores de Galicia obtidos en Carreiras mixtas no Estadio.
- h.) Competicións e Probas de Categoría Máster. De acordo coa normativa xeral desta categoría, permítese que homes e mulleres poidan competir xuntos sendo válidos os resultados e récord obtidos.

1.5. Normas de participación nos Campionatos de Galicia

a). Poderán tomar parte na súa proba respectiva, nas competicións oficiais que, estando en posesión da correspondente licenza federativa, debidamente dilixenciada para a tempada e sempre que non exista sobre eles sanción de ningunha clase na data fixada para a inscrición, iguale ou mellor as marcas mínimas fixadas para cada campionato.

Non se admitirán como mínimas as marcas conseguidas con vento superior ao regulamentario.

A FGA resérvase o dereito de admitir a participación nos Campionatos de Galicia dalgúns atletas que non obtivesen a mínima, por interese do equipo galego ou por petición do Comité Técnico da FGA.

b). Os atletas de outras federacións poderán participar nos Campionatos de Galicia, sempre que estean en posesión da marca mínima establecida, agás nas finais das probas nas que se celebren semifinais ou existan saltos de mellora (podendo neste caso efectuar unicamente 3 saltos), con obxecto de non quitar posto a ningún atleta galego nas finais.

Se un atleta de outra federación gañase algunha proba ou se clasificase entre os tres primeiros, será proclamado vencedor da proba en cuestión, pero non Campión de Galicia, e en calquera caso, non terá dereito a medalla oficial do Campionato.

Terán dereito a medalla todos aqueles atletas nacionais con ficha pola FGA e aqueles estranxeiros que teñan fichado de xeito ininterrompido pola FGA dende polo menos a tempada 2018/19 ou que sexan menores de idade.

d). Un atleta que pode ser seleccionado para integrar a Selección Galega ten dereito a pasar ás finais.

e). Confirmación para todos os Campionatos de Galicia

- As confirmacións para os Campionatos de Galicia ao Aire Libre, agás Máster, realizarase conforme se indica no regulamento específico de cada campionato.
- De forma xeral tomarase a inscrición coma confirmación, tendo que dar a baixa no prazo estipulado por cada regulamento. A non presentación do atleta á competición terá un custo de 10 euros que repercutirá directamente no club do atleta, agás no caso de atletas independentes, que repercutirá directamente sobre eles.

f). Premios nos Campionatos galegos

Os atletas clasificados en 1º, 2º e 3º lugar de cada proba recibirán medalla dourada, prateada e bronceada, respectivamente, da Federación Galega de Atletismo. A asistencia a este acto de entregas é obrigatoria por parte dos atletas, que non poderán delegar a súa representación en ninguén. Os atletas deberán situarse encima do podio no momento en que son chamados. O incumprimento deste protocolo poderá conlevar a descualificación dos atletas do campionato.

1.6. Inscricións e Participación en Campionatos de Galicia

a). Todos os atletas, clubs e federacións terán que realizar as inscricións para os Campionatos de Galicia a través da extranet da RFEA:

<https://isis.rfea.es/sirfea2/>

A dirección técnica poderá facer calquera tipo de inscrición unha vez rematado o prazo en calquera proba federada.

b). Nos Campionatos de Galicia Individuais e por clubs, existirá unha cota de inscrición de 2 Euros. Nestes casos, e pasado o prazo de 24 horas de publicadas as inscricións, calquera baixa comunicada levará consigo a perda da cota de inscrición correspondente e un recargo de 3 euros. Calquera baixa non comunicada antes das 24 h do comezo da competición terá a consideración de non presentado, coa conseguinte multa de 10 euros. As baixas deberán ser comunicadas a: competicion@tletismo.gal

Para os Campionatos de Galicia de Clubs, serán os clubs os responsables de enviar as inscricións de acordo coas normas que se especifican no seu regulamento.

c). Procedemento de inscricións

As inscricións realizaranse pola intranet da RFEA e todas pecharán de forma xeral o luns antes da competición ás 20:00h. Nas probas combinadas será o xoves da semana anterior á competición (a non ser que expresamente poña outra cousa no regulamento particular de cada proba). No caso de enviarse algunha inscrición fóra deste prazo, a dirección técnica determinará cales delas se aceptan en función do horario e da posible repesca de atletas. Multa por fóra de prazo de 3 euros.

Aqueles atletas doutras comunidades que participen nalgún campionato deberán aboar 10 euros. Aqueles clubs ou atletas de clubs de fóra de Galicia, que no prazo de 20 días dende a comunicación da súa débeda en concepto de participación nos

campionatos ou controis FGA, non poderán participar en campionatos ou controis ata que abonen ditos pagos.

Admitiranse as mellores marcas feitas dende o 1 de Xaneiro de 2020. No caso de non ter marca nas probas da competición admitiranse probas similares que se valorarán por táboa (no caso de non haber táboa marcarase en cada regulamento unha diferenza de conversión)

Táboas de admitidos por proba en cada campionato

	Absoluto	Sub 23	Sub 20	Sub 18	Sub 16	Sub 14	Sub 12	Sub 10	Master
Programaranse SERIES PREVIAS									
Programaranse FINAIS DIRECTAS									
Concursos	8*	8*	8*	8*	8	8	8	8	16**
60	32	16	24	32	32	32	32	32	32
200/300	25	8	15	25	24	x	x	x	25
400/500	12	6	16	24	x	24	24	24	12
800/600	12	6	16	24	24	x	x	x	12
1500/1000	12	6	16	24	24	24	24	24	12
3000/2000	12	6	16	16	16	16	x	x	
60 mv	32	16	24	32	32	32	x	x	32
Marcha Ruta	16	4	4	4	8	8	8	8	8
Lanzamentos Longos	10	X	X	5	5	X	X	X	5

*Naqueles Campionato conxuntos, adaptárase este número ao programa de probas, coma mínimo admitírase a 3 atletas de cada categoría.

**Só serán admitidos atletas con marcas acreditadas.

A dirección técnica por criterios técnicos poderá aceptar a máis ou menos atletas dependendo da calidades das súas marcas e o horario de competición.

1.7. Varios sobre Competición

a). En calquera caso o Director Técnico da FGA ten a potestade de admitir un número maior de atletas ata cubrir series ou noutros casos que considere xustificado ou non chegar ós mínimos se o considera oportuno.

b). Así mesmo, o Director Técnico resérvase a posibilidade, previa petición do interesado, de admitir a participación de atletas nacionais ou estranxeiros de recoñecido nivel nos diferentes Campionatos de Galicia, malia que non pertencen a

ningún Club galego, nin á Federación Galega de Atletismo. Nestes casos non poderán acceder ás finais en carreiras de rúas nin ás fases de mellora nos concursos, salvo que a inscrición inicial sexa de 8 atletas ou menos. A aceptación de ditos atletas estarán sempre suxeitas ás normativas propias da RFEA.

c). Terán prioridade os atletas da categoría do campionato pero no caso de non chegar ós mínimos establecidos autorízase a participación de atletas doutras categorías sempre e cando exista coincidencia legal coas súas probas e non supoña atraso no desenvolvemento da competición. A participación de atletas doutras categorías en ningún caso quitará posto, por exemplo, no pase á mellora dos concursos ou finais por rúas ós atletas da categoría respectiva do campionato. Non se aceptarán participantes que atrasen o normal desenvolvemento das probas.

d). Durante a celebración de calquera competición oficial, poderán permanecer en pista unicamente os membros do xurado, os atletas que estean participando nalgunha proba e aquelas persoas autorizadas polo Xuíz Árbitro. No caso das probas de atletas SUB 14-12-10-8 admitirase un/a responsable do club por categoría e sexo na zona de competición ou na cámara de chamadas.

Debido a actual crise sanitaria limitarase este artigo ata unha nova revisión, a cal se fose necesario viría reflexada no regulamento particular de cada competición.

e). Nas categoría Sub 10-12-14 permitirase unha saída nula por serie. Nas categorías sub 8-10-12 permitirase a saída de pé e na categoría sub 14 non será obrigatorio o uso de tacos de saída pero si a saída a 4 apoios, sendo preciso a utilización de anemómetro nas carreiras e nos saltos horizontais.

f). O número máximo de atletas que cada Club pode aliñar en cada Campionato e proba virá especificado en cada un dos regulamentos específicos.

g). Nas competicións de pista ao aire libre ou pista cuberta que exista clasificación por clubs, os empates a puntos resolveranse a favor do club que obteña maior número de primeiros postos. De persistir o empate terase en conta o número de segundos postos e así sucesivamente.

i). Se nalgunha das probas na que está previsto realizar series clasificatorias, non se presentasen a confirmar o número mínimo necesario para a súa realización, suspenderase a celebración das mesmas e disputarase a seguinte Fase á hora prevista. Salvo que todos os finalistas estean de acordo en disputala no horario da dita eliminatoria.

l). En todas as carreiras, a confección de series realizarase en función dos rexistros que posúan os atletas na presente tempada ou, na súa falta, en relación á tempada anterior. Antes da saída, o Xuíz da proba comunicará aos/as participantes o sistema de clasificación para a seguinte rolda no caso de que a houbese.

m). O número máximo de probas nas que poderá tomar parte un atleta virá especificado no seu regulamento.

n). Todos/as os/as participantes en calquera competición oficial, incluídas as carreiras en ruta deberán intervir coa equipación oficial do seu Club, agás os dos

clubs asociados que poderán empregar a súa propia equipación. independentemente de poder facelo coa equipación do club do cal son asociados

ñ). Nas competicións en pista cando un atleta dun club asociado este participando representando ó club principal, deberá levar a camiseta do principal . En todos os casos, incluídos os/as atletas independentes deberán seguir a normativa RFEA de publicidade. O Xuíz Arbitro, de acordo co organizador, poderá impedir a participación a aqueles/as atletas indebidamente equipados.

o). Os/as atletas deberán utilizar o dorsal de forma totalmente visible, por diante, agás nos saltos que poden levar por diante ou por detrás, en toda a súa superficie. O incumprimento desta norma poderá ser motivo de descualificación. Nas probas de marcha a organización facilitará dous dorsais a cada participante. Será responsabilidade dos atletas levar consigo imperdibles ou calquera outro sistema para a colocación do dorsal.

1.8. Relativos á competición.

a). Nas competicións que dispoñan de Cámara de Chamadas será obrigada a presentación na mesma, debidamente acreditados mediante licenza, DNI, ou calquera outro documento con foto, incluídos os que figuran en plataformas informáticas, dentro dos prazos estipulados, para poder participar. O xuíz árbitro poderá aceptar atletas fóra do prazo por razóns xustificadas podendo entón ser autorizados a participar:

- En carreiras, sempre que non terminase a fase correspondente.
- En concursos: en calquera momento da competición (sen que este feito supoña ningún trastorno ao desenvolvemento do mesmo)
- Entrada en Cámara de Chamadas, ata cinco minutos antes da saída oficial a pista.
- Agás nas competicións onde se publique e circule un horario completo de Cámara de chamadas
- Os/as atletas terán a obriga de saír á zona de competición coa camiseta posta. Non poderán saír coa camiseta na man ou gardada. Deberán permanecer coa camiseta posta durante toda a competición.

HORARIO TIPO DE SAÍDA A PISTA TRAS A PRESENTACIÓN EN CÁMARA DE CHAMADAS	
Poderá ser modificado e comunicado por circular en cada competición	
Carreiras	5min antes da hora oficial da proba
Carreiras con valos	10min antes da hora oficial da proba
Concursos (agás pértega)	20min antes da hora oficial da proba
Pértega	35min antes da hora oficial da proba

b). En calquera momento o/a Xuíz/a Arbitro da competición, ou calquera outro organizador cualificado para iso poderá solicitar a identificación dos participantes.

c). Os/as atletas fichados por un club galego, que non teñan ficha dilixenciada pola FGA poderán participar nos Campionatos de Galicia cuxo regulamento o permita pero non poderán proclamarse campións de Galicia ni terán acceso a medalla oficial se se clasificasen en postos que lles dean ese dereito. En ningún caso poderán quitar praza na mellora ou final correspondente a outro atleta.

- d). O número máximo de atletas estranxeiros/as que cada club pode aliñar en cada un dos campionatos de Galicia de clubs ou fase autonómica verá estipulado pola normativa RFEA vixente ao respecto. Nas competicións nas que participen máis atletas estranxeiros/as dos permitidos para puntuar deberá especificarse cal deles puntuará.
- e). O número máximo de atletas que cada Club pode aliñar en cada campionato e proba virá especificado en cada un dos regulamentos específicos.
- f). Nas competicións por clubs, calquera club que incumpra a normativa do campionato será descalificado.
- g). Nos campionatos por clubs nos que non se cubran as prazas, admitiranse por estadiño tantos clubs (que non cubran todas as probas) como prazas baleiras. Os devanditos clubs poderán non cubrir todas as probas e non terán puntuación final (respectando a normativa de participación). Por acordo de Asemblea non se permite a participación de atletas fóra de concurso.
- h). Nas competicións de pista ao aire libre ou pista cuberta que esixa clasificación por clubs, os empates a puntos resolveranse a favor do club que obtivese maior número de primeiros postos. De persistir o empate terase en conta o número de segundos postos e así sucesivamente. Se finalmente non se poda desfacer o empate por este sistema, recorrerase á mellor marca por táboa WA.
- i). En todas as carreiras, a confección de series na primeira rolda realizarase en función dos rexistros que posúan os atletas na presente tempada ou, no seu defecto, en relación á tempada anterior, asignándose as rúas por sorteo conforme ó programa da RFEA.
- l). Antes da saída, comunicarase ós/ás participantes o sistema de clasificación (decidida pola organización) para a seguinte rolda en caso de que a houbese.
- m). O número máximo de probas nas que poderá tomar parte un atleta virá especificado no seu regulamento. En caso de estar inscrito/a en máis probas das autorizadas, eliminarase a inscrición da proba na que está peor clasificado/a na lista de inscritos/as.
- n). Nas categorías sub8 sub10 e sub12 non é obrigatorio o uso de tacos nin saída en posición agachada, nin se usará anemómetro. Asemade nestas categorías, admitirase unha saída nula por serie.
- ñ). Nas saídas, nos casos en que claramente os tacos utilizados por algún/a atleta, non estean ben ancorados por mor do estado da instalación e do material, e no momento da saída se desprazasen, prexudicando o/a atleta, o equipo de saídas deberá invalidar a mesma e proceder a unha nova. Se a protesta é coa proba finalizada, é posible autorizar ó/á atleta prexudicado/a a participar nunha serie posterior, se a houbese, ou nunha serie extra, sen ter que repetir a proba o resto de atletas.

1.9. Responsabilidades dos organizadores

Aquelas delegacións, clubs ou outras entidades designadas pola Xunta Directiva para organizar conxuntamente coa FGA unha competición ou campionato deberán ter en conta as seguintes consideracións e obrigas:

a). A Federación Galega de Atletismo, como máximo órgano responsable da práctica atlética no eido xeográfico galego, asume as máximas competencias organizativas naqueles campionatos que abranguen a súa propia actividade, reservándose o dereito de intervir, se o estimase preciso, de acordo á regulamentación. A dirección técnica poderá facer calquera tipo de inscrición unha vez rematado o prazo en calquera proba federada.

1. En ningún caso a inscrición para unha competición poderá pechar a menos de 4 días hábiles antes da proba (se unha proba é un sábado, a inscrición pechará como moi tarde o martes previo, sempre que non teñan ningún festivo no medio).
2. A organización deberá remitir o listado de atletas admitidos a competicion@atletismo.gal cun tempo mínimo de 48 horas antes do comezo da proba.
3. Cada inscrición aceptada fora de prazo polo organizador, levará consigo un cargo de 3€ sobre a propia organización.
4. Asemade, no caso de facer algún troco no listado de participantes nas 48 horas previas á celebración da proba, se lle repercutirá ao organizador un coste de 3€/troco.
5. Recoméndase ao organizador articular no regulamento da súa proba unha cota para as seguintes situacións:

Inscricións fora de prazo:	3€
Baixas nas 48h previas á celebración da proba:	3€
Atletas non presentados:	5€

b). A organización conxunta coa FGA de calquera campionato ou Competición, implicará para o organismo designado (Delegación, Club ou outras Entidades) as seguintes responsabilidades:

1. Prever, reservar e obter os permisos precisos para o emprego da pista ou circuíto onde acontecerá a competición
2. Supervisar que a instalación ou circuíto estea en condicións axeitadas para a práctica atlética. No caso contrario, solventar as deficiencias observadas. O V.P. dos mesmos deberá terse realizado, definitivamente, polo Comité Técnico da FGA.
3. Dispor do material preciso, deportivo ou doutra índole, para desenvolver con normalidade a competición. Facilitar a cada participante os dorsais regulamentarios.
4. Satisfacer as necesidades de persoal, material, instalación e gastos que lle indique o representante local do Comité Galego de Xuíces.

5. Instalar unha megafonía que facilite a información ao longo da competición.
6. Contar co persoal preciso para atender: as mesas de confirmación, servizo de megafonía, servizo de campo e persoal de secretaría. Neste caso as persoas encargadas da secretaría de competición en probas en pista deberán estar capacitadas para utilizar con solvencia e axilidade o programa oficial de resultados da RFEA, co fin de non atrasar o desenvolvemento da competición nin o protocolo de medallas. Tamén deberán contar cun lugar para a exposición dos resultados a medida que se vaian producindo, para facilitar as posibles reclamacións ós mesmos.
7. Ao rematar a competición publicaranse na web da FGA os resultados provisionais e pendentos da súa comprobación. O Comité de Xuíces e/o os organizadores, revisarán os resultados para corrixir tanto erros de transcripción ou de aplicación de regulamento e solicitar a rectificación dos mesmos. Ata ese momento non se considerarán como definitivos.
8. Prever un Servizo Médico ao longo da competición, que poderá intervir, en primeira instancia, ante a posibilidade de que se produza calquera lesión (só en campionatos de Galicia e probas en Ruta)
9. Que a instalación onde se desenvolve a competición ou circuíto dispoña dun seguro de responsabilidade civil.
10. Cando corresponda, xestionar a compra e entrega de medallas aos/as tres primeiros/as atletas clasificados, en campionatos individuais, e/o trofeos ós tres primeiros equipos sempre que no campionato houberse clasificacións por Clubs.
11. Nas competicións de ruta, campo a través, montaña e trail, nas que a FGA conste coma organizadora ou co organizadora, incluídos tamén todos os Campionatos de Galicia, será obrigatorio o uso do Sistema de cronometraxe por Transpondedores (Chips) da FGA. Soamente en circunstancias especiais tales coma constatar unha inscrición mínima de atletas, a FGA poderá autorizar o non uso dos chips.

1.10. Normas a seguir ante unha reclamación

- a). As reclamacións relativas a resultados ou cuestións que xurdan durante o desenvolvemento dunha proba deben presentarse sen dilación, non máis tarde de 30 minutos despois de terse publicados oficialmente os resultados da devandita proba, agás erros administrativos. O Organizador da competición será responsable de que se rexistre a hora da publicación de todos e cada un dos resultados.
- b). Toda reclamación deberá formularse en primeira instancia verbalmente ó/a Xuíz Árbitro, por un/a atleta, por outra persoa que actúe no seu nome ou por un oficial representando a un equipo. Esta persoa debe actuar de boa fe na(s) proba(s) en cuestión.
- c). Para chegar a unha xusta decisión, o/a Xuíz Árbitro considerará calquera evidencia dispoñible que crea necesaria, incluída unha película ou foto producida por unha gravadora de vídeo oficial ou calquera outra evidencia

de vídeo dispoñible. O/a Xuíz Árbitro pode decidir sobre a reclamación ou someterá ao Xurado de Apelación, se estivese constituído.

d). Se o/a Xuíz Árbitro non está accesible ou dispoñible, a reclamación deberá facerse por intermedio da Secretaría de Competición.

e). Unha reclamación ao Xurado de Apelación será feita dentro dos trinta minutos:

- Que seguen ao anuncio oficial do resultado modificado dunha proba segundo decisión do Xuíz Árbitro
- Que seguen á notificación ás persoas que protestan cando non implique modificación do resultado.

1.11. Publicidade dos sponsors oficiais nos campionatos.

Cada delegación con responsabilidade de organizar algún campionato oficial ou competicións relevantes, segundo criterio da FGA, deberá amosar os logos corporativos, texto ou calquera outro referente que se estime oportuno do patrocinador ou dos patrocinadores oficiais da FGA para a presente tempada.

Todo isto quedará impreso e recollido na publicidade escrita dos devanditos eventos, independentemente de que poidan existir outros medios de difusión (TV, radio...) dos que se determinará unha regulación específica.

1.12. Normativa do vestiario da selección galega.

Para poder recibir material da FGA cómpre ser seleccionado pola FGA, para calquera evento ao longo da tempada 2021 que figure no calendario oficial nacional ou internacional.

a). O material ou indumentaria deportiva que entrega a FGA de atletismo é a distinción oficial da Selección de Galicia, sexa polo tanto de identidade atlética desta federación a nivel autonómico.

O material oficial estará composto da seguinte indumentaria: un chándal, e roupa de competición (*) Poderase ampliar a vestimenta dependendo das xestións relacionadas para tal fin

b). A Federación Galega de Atletismo comprométese a dotar a cada integrante da Selección Galega de Atletismo do material regulamentario especificado no artigo 3.

c). O período de vixencia do devandito material será de catro anos.

d). Cada atleta comprométese a empregar o material só naquelas competicións oficiais nas que compita coa Selección Galega ou naqueles eventos que así o indique a propia FGA.

e). En cada acto protocolario de entrega de medallas ou trofeos, será obrigatorio acudir coa uniformidade oficial da selección galega non podendo substituírse a dita uniformidade por outra distinta. Da mesma maneira, e se así se decidise polo delegado ou responsable oficial da expedición, farase emprego da mesma naqueles

actos oficiais, protocolarios, de publicidade, etc nos que participe a selección galega.

f). O material non se poderá manipular, mantendo ben visibles e sen alterar os distintivos do/s patrocinador/es oficial/is da FGA, non podendo engadir ningún outro logotipo ou sinal.

g). Cada atleta velará polo bo emprego e estado do material que en ningún caso se substituirá antes do tempo de vixencia agás casos moi excepcionais perfectamente xustificados.

h). Cada atleta deberá cubrir e entregar unha ficha de recepción de material cada vez que a reciba aceptando as cláusulas estipuladas para o emprego da indumentaria.

i). No caso de que un atleta non cumpra o punto anterior poderá (se así o desexa) adquirir a indumentaria previo pago do importe do seu valor.

l). Recoméndase a retirada do material días antes do evento que requira o seu uso para unha maior comodidade tanto por parte do atleta como dos delegados responsables do seu reparto.

1.13. Normas finais

a). Non se incluírán no Calendario da FGA aquelas competicións que non estean ao corrente do pago dos gastos de video-finish, xuíces e oficiais designados pola FGA, premios a atletas, etc., de edicións anteriores, así como probas que teñan débedas, demostradas, a 31 de decembro con algún outro colectivo da FGA (Representantes de Atletas, Atletas, Clubs, Federacións, etc).

Igualmente, non se incluírán no Calendario da FGA aquelas competicións que non aboan o canon correspondente ou que non cumpran os requisitos establecidos no apartado 2.2.9. Se non se depositase o aval no prazo correspondente (caso de ser necesario) a competición poderá ser retirada do Calendario da FGA.

As condicións mínimas para calquera Organización que desexa incluír a súa proba no Calendario FGA, detállanse neste Regulamento.

b). Esta FGA non autorizará a celebración de ningunha competición que non estea

incluída dentro do Calendario Nacional ou Autonómico, de acordo co presente Regulamento.

c). As competicións de atletismo a celebrar en Galicia, xa sexan de Campo a través, Marcha, Ruta ou de Pista Cuberta e ao Aire Libre, divídense nas seguintes Categorias:

- Campionatos de Galicia
- Trofeos, Memoriais... etc autonómicos
- Ligas autonómicas
- Controis autonómicos
- Campionato de España
- Competicións nacionais

Nas competicións de ruta que pretendan ser incluídas no calendario nacional será obrigatorio que os circuitos das seguintes distancias (milla, 5km, 10km, 15km, 20km, ½ Maratón, 25km, 30km, Maratón, 100km e Maratón estean homologados pola RFEA.

Estas competicións rexeranse pola normativa 2021 de participación da RFEA (Nas competicións de nivel autonómico só poderán participar atletas con licenza da FGA).

d). Clasificacións

Deberase facer unha Clasificación Xeral Masculina e unha Clasificación Xeral Feminina de todos os participantes, independentemente da súa idade. En base a estas efectuarase a entrega de premios.

e). Todos os clubs e atletas participantes así como os/as xuíces encargados do seu control, polo feito de facelo, aceptan o regulamento de cada competición.

f). As normas particulares correspondentes ás competicións co-organizadas pola FGA serán difundidas mediante circular. En caso de conflito terá prioridade a información publicada nesta.

g). Todo o non previsto nestas Normas Xerais e nos oportunos Regulamentos-Convocatorias, e similares, axustarase ao establecido nesta orde, pola FGA, a RFEA e no Regulamento Internacional da WA.